

■ Basauriko toponimia ikertu dute Ander Ros Cubas eta Jesus M^a Cabellok

ANDER ROS CUBAS eta Jesus Mari Cabellok *Basauriko toponimia* izeneko liburuakaleratu dute Labayru Ikastegiaren eskutik. Ikerketa lan horretan autoreek dokumentazio zaharrean bildutako toponimo guztiak banan-banan aztertu eta auzoka moldatu dituzte. Egile biek guztira 1.000tik gora toki-izen jaso dituzte, gehien gehienak euskaraz. Ander Ros Cubas-ek azaldu zuenez, «toponimiaren bera- ren eta bera gordetzen zuten dokumentazioaren galera dela bide, jasotakoa ez da oso toponimia zaharra, liburuan biltzen diren datu guztien % 20 eskas delarik XVIII. mendekoa eta aurretikoa. Galerak galera, 1.150 toponimo 7,2 kilometro besterik ez duen herri batean». Lan haori Bizkaian argitaratu den lehenengo monografia da, Gipuzkoan eta Nafarroan dozena erdi bana kaleratu dituzten bitartean. X

■ Paloma Uriak 'Hizkuntzak sexistak al dira?' hitzaldia emango du gaur

Paloma Uria Lengoaia eta Literatura irakaslea eta *Muyeres Adrei* elkarteko kideak *Hizkuntzak sexistak al dira?* izenburuko hitzaldia emango du gaur arratsaldeko 19:30etan Bilboko Hika Ateneoaren egoitzan. Uriak feminismoarekin lotutako hainbat lan egin ditu eta gaur egun *Gerra osteko narratiba emakumeentzat* izenburuko doktore tesia egiten ari da. Uriaren arabera, «arazoa guztion eskura dago: lengoia bat dugu, lengoia egitura bat, askotan emakumeak izendatzen ez dituen eta beste batzuetan gizonezko izaera duten terminoen barruan sartzen dituztena. Frantzia gai hori eztabaian dago egun, emakumezko ministro askok gaiari dagokion garrantzia eman dakiola eskatzen dutelako». X

■ Datarik gabe atzeratu da Jose Ramon Etxebarriaren kontrako epaiketa

Jose Ramon Etxebarria irakasle ohiaren kontra atzo egin behar zen epaiketa atzeratu egin zuen atzo epaileak, egunik jarri gabe. Epaike- ta atzeratzeko arrazoiak izan zen Etxebarriaren abokatuak eskatuta- ko froga dokumental bat epaitegitik eskatu gabe zegoela. Epaiketa duela bi urteko gertakariengatik da, eta agintaritzari desobedientzia leporatzen diote Etxebarriari. X

■ Hiru banku atrakatzailerik atxilotu dituzte Abanton eta Garapen

OTSAILLEAN eta martxoan bankuak armekin atrakatzeari akusa- tutako hiru pertsona atxilotu dituzte aste honetan, Abanton eta Garapen. J.L.E.E., J.M.E.E eta J.V.F.M dira atxilotuak, eta bankuen atrakatu gertatu zirenean inguruan zeuden lekukoei esker izan dira atxilotetako. Otsailaren 27an izan zen lehen atrakoa, Garapen, eta bi pertsona sartu ziren bankura armekin dirua eskatuz. Hirugarren pertsona kanpoan zegoen auto batean zain. Bigarren atrakua Aban- ton izan zen, martxoaren 26an, eta egun hartan pertsona bakarra sartu zen bankura, eta bigarren atrakatzailerik bikitima gisa jokatu zuen banku barruan. Hirugarrena kanpoan geratu zen orduan ere. Atxilotuak epailearen esku geratu dira. J.L.E.E atxilotua egon da eraso sexualen delitu batengatik. X

■ Euskararen normalizazioa bideratzeko egitasmo berria jarri dute martxan Donostiako KTEn

KULTUR eta Turismo Ekintzetxean euskararen erabilera normaliza- tzeko egitasmoa jarri dute abian, Euskararen Udal petronatuaren ekimenez. Udal administrazioaren barruan, KTE ere atal elebidunen sarea osatzeko proiektuaren parte izango da. Barne funtzionamen- dua euskalduntzeko bideak ezarriko ditu, bulegoetan euskara ziur- tatuz eta erabilera plana bideratuz. Pixkanaka euskarak leku gehia- go du ekitaldietan, KTEko arduradunen arabera. Horrez gain, 1997 ari buruz egin den balorazioa ona izan da, eta konpromezua hartu dute euskararen erabilera hobetzeko. X

ESKELAK



**Ibone
Garikano
Aizpurua**

*Bai zinela zintzoa
apal eta xume
zure bihotza berriz
alaitasun gune
nahiz aulkian somatu
guk zenbait hutsune
gure oroimen gelan
sartu da Ibone.*

Egun handi harte.




**LASKORAIN
IKASTOLA**

Tolosa, 1998ko apirilak 24

Aramaioko alkatea inhabilitatu izana gogor salatu du EAJk

Armadari ez laguntzeagatik zigortu dute Iñaki Nafarrate

Araba Buru Batzarrak (ABB) «kezka eta harridura handiz» hartu du Iñaki Nafarrate Aramaio- ko alkatea bi urterako inhabilitatu izana Espainiako Armadari ez laguntzeagatik. «Ezin dezakete legedia aplikatu faxismo garaian bete-betean bageunde bezala», esan du Jose Maria Gerenabarrena ABBko buruak.



Iñaki Nafarrate, Aramaioko alkatea.

JOSEBA OLALDE

Luis Karlos Garcia / Gasteiz

EPAILEAK frogatutzat eman du Iñaki Nafarratek ez ziola lagun- tzarik eman 1996an Espainiako Armadari, urte hartan soldaduz- ka egin behar zuten gazteei buruzko datuak helarazterako- an. Horregatik, egun bakoitzeko 1.500 pezetako isuna jarri eta bi urteko inhabilitazioa agindu du. Alkateak berak nahiz Gerenaba- rrenak jakinarazi dute errekur- tsoa datozen egunetan aurkezte- ko asmoa dutela.

ABB ez dator bat Yolanda Varona magistratuaren epaiare- kin, eta horretarako hainbat arrazoi eman zituen Gerenaba- rrenak. «Kode Penalaren 412. artikulua jasotako zigorrak han- diena jarri dute eta oso deigarria da legearen aplikazio batere aurrerakoa egin ez izana desa- gertzeko zorian dagoen delitua izanda eta hemendik gutxira Armadara joan ala ez norberaren hautua izango dela aintzat har- tuta», adierazi zuen ABBk onetsi- tako ebazpena irakurtzean.

Hori dela eta, ikuspuntu politi- koaren arabera, epaiak «gaitzes-

pena» merezi duela esan zuen. Gipuzkoako zenbait alkateren auzietan absoluzioak ebatzi dituztela nabarmendu zuen Nafarrateren kasuarekin kontra- jartzeko. «Gipuzkoan Araban baino errazagoa al da absoluzioa ematea ala?», galdetu zuen.

Baina, nolahi ere, ABBk uste du epaileak ez zuela Ara- maioko alkatea zigortu behar, azken batean laguntza eman bai- tzion Espainiako Armadari, udal idazkariak zegokien gazteei tele- fonoz hots egin zien-eta. «Horre- la, zeharka bada ere, egon bada- go Udalaren kolaborazioa admi- nistrazio militarrekin, egin beharrekoa egiteko modua eman zuena», dio ABBren oharrak.

Aramaioko Udalak akordioa hartu zuen aho batez 1996ko maiatzaren 20an, Armadari edo- zein motatako laguntzari uko egi- tea, Aramaioko Udala intsumitu deklaratu izenburua zuena. Mozió hori gogora ekarri zuen Nafarratek epaiketan, eta baita atzo ere. «Udala intsumitu izen- datu genuen orduan eta ildo beretik segitzen dugu gaur egun ere, baina dena den akordioak

bazuen halako eranskina, solda- duzka egin nahi duen gazte orori udal zerbitzua emateko konpro- mezua zeukana», esan zuen alka- teak.

Nafarratek Gerenabarrena- kin bat egin eta «zentzugabeke- riatzat» hartu zuen «bi urte barru desagertu behar den derrigorrez- ko soldaduzkaz baliatzea alkate- ok kriminalizatzeko».

ABBko buruak hitz gogorak erabili zituen. Nafarrateren inha- bilitazioa «kezkarria» dela esan zuen eta legeen aplikazio honek «zur eta lur» utzi dituela gehitu. Kasu honetan egindako legearen aplikazioak Francoren garaikoa gogorarazi diola esan zuen.

«Sententziak nazka sortarazten digu» • Aramaioko talde antimili- taristak ere gogor egin zuen epaiaren kontra. «Sententzia desegoki, lekuz kanpoko, gerra- zale, mendekuzale eta faxista honek nazka sortarazten digu», azpimarratu zuten prentsa oha- rrean. Antimilitaristek berretsi zuten alkatearekin bata datozela eta aurrerantzean ere laguntza eskainiko diotela. X

Dibortzioaren legea aldatzea eskatu dute

■ Unibertsitateko irakasleek, familia epaileek eta abokatuek egin dute eskaera

Efe / Donostia

JUSTIFIKAZIORIK gabe dibor- tziazko eskubidea izateko legea aldatzea proposatu zuten atzo, Oñatin egiten ari diren jar- dunaldietan. Cesar Manzanos irakasleak adierazi zuen, legean aldaketak beharrezkoak direla

egoera sozialari erantzuteko. Jar- dunaldietan bildutakoek aztertu zuten, besteak beste, dibortzia- tzeko aurretik gaur egun igaro behar den banatze denbora hori saihesteko aukera, pentsioak ordaintzeko neurri koertitiboak ezartzea eta adostasunezko banaketen kopurua handitzea.

Bestalde, Manzanosek aurkeztu zuen, 1981tik 1997ra bitartean bikote banatuek izan duten bila- kaerari buruzko ikerketa. Analisi horren arabera, Europar eta EAEn ezkontza kopurua antze- koa da, eta dibortzioak gutxiago diren arren, azken aldian kopu- rua asko handitu da. X